



**Broj: T18 0 KT 0018675 25**  
**Brčko, 01.06.2026. godine**

**Optužnica potvrđena dana: 04.06.2026. godine**

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

## **OPTUŽNICU**

**Protiv:**

**S.J.**, rođen 1961. godine u Banjoj Luci,

**Što je:**

1. Dana 24.05.2025. godine, u 18.52 časova, u Brčko distriktu BiH, putničkim motornim vozilom marke „Fiat“ model Punto, zelene boje, registarskih oznaka ..., došao do supermaketa „Plus III“, vlasništvo G.A., a koji se nalazi na adresi ..., zatim ušao u supermarket, odakle je u namjeri pribavljanja protivpravne imovinske koristi male vrijednosti, svjestan da oduzima tuđu pokretnu stvar, što je i htio, sa police oduzeo 11 pakovanja „Grand“ kafe od po 500g, ukupne vrijednosti 159,36 KM, koje je stavio pod jaknu, a zatim se udaljio iz objekta ne plativši iste, čime je za sebe pribavio protivpravnu imovinsku korist u iznosu od 159,36 KM, a za isti iznos oštetio vlasnika supermarketa G.A.,

dakle, tuđu pokretninu male vrijednosti oduzeo drugome, s ciljem da njenim prisvajanjem pribavi sebi protivpravnu imovinsku korist takve vrijednosti,

2. Dana 05.09.2025. godine, oko 17.45 časova, u Brčko distriktu BiH, na adresi Bijeljinska br. 69, u tržnom centru Brčko City Park, ušao u drogeriju „DM“, odakle je u namjeri pribavljanja protivpravne imovinske koristi male vrijednosti, svjestan da oduzima tuđu pokretnu stvar, što je i htio, sa police oduzeo ženski parfem marke „Versace Bright Crystal“, vrijednosti 109,95 KM, a zatim se udaljio iz objekta ne plativši isti, čime je za sebe pribavio protivpravnu imovinsku korist u iznosu od 109,95 KM, a za isti iznos oštetio drogeriju „DM“,

dakle, tuđu pokretninu male vrijednosti oduzeo drugome, s ciljem da njenim prisvajanjem pribavi sebi protivpravnu imovinsku korist takve vrijednosti,

3. Dana 06.10.2025. godine, oko 17.15 časova, u Brčko distriktu BiH, na adresi Bijeljinska br. 69, u tržnom centru Brčko City Park, ušao u drogeriju „DM“, odakle je u namjeri pribavljanja protivpravne imovinske koristi male vrijednosti, svjestan da

oduzima tuđu pokretnu stvar, što je i htio, sa police oduzeo ženski parfem marke „Thierry Mugler Alien“ vrijednosti 169,95 KM, a zatim se udaljio iz objekta ne plativši isti, čime je za sebe pribavio protivpravnu imovinsku korist u iznosu od 169,95 KM, a za isti iznos oštetio “ drogeriju „DM,

dakle, tuđu pokretninu male vrijednosti oduzeo drugome, s ciljem da njenim prisvajanjem pribavi sebi protivpravnu imovinsku korist,

čime je pod tačkom 1. učinio krivično djelo – Krađa – iz člana 280. stav (2) u vezi sa stavom (1) Krivičnog zakona Brčko distrikta BiH, a pod tačkom 2. i 3. učinio produženo krivično djelo – Krađa – iz člana 280. stav (2) u vezi sa stavom (1) Krivičnog zakona Brčko distrikta BiH, a sve u vezi sa članom 55. Krivičnog zakona Brčko distrikta BiH.

\*\*\*

---

\*\*Ovom objavom ne prejudicira se ishod krivičnog postupka i ne narušava princip presumpcije nevinosti.  
Svako se smatra nevinim dok se pravosnažnom presudom ne utvrdi njegova krivica.\*\*

---